



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De femina quae de solo corpore Christi vixit, cap. 47.

urn:nbn:de:hbz:466:1-13177

ri videret corpus Domini, miri odoris sensit ex eo fragratiā, quā tanto pleniū percepit, quanto sacra-
mento plus approximauit. Gerlacus suprior noster
hæc mihi retulit, dicens se ab ore prædictæ virginis ea
audiuisse. APOLLONIVS: Cūm corpus Domini tantæ
sit dulcedinis, tantiq[ue] odoris, miror quare solo eius
esu corpora non sustententur. CÆSAR. Corpus Do-
mini licet ore percipiatur, magis tamen cibus animæ
quam corporis est, nec nobis incorporatur, sed Chri-
sto nos incorporat. Attamen quod corpus communi-
cantis quandoque sustentetur illo, duplixi tibi pan-
dam exemplo.

CAPUT XLVII.

*Sacra
Eucha-
ristia e-
tiam cor-
pus com-
munican-
tis inter-
dum su-
stantatur*

FEmina quædam, sicut monachus noster Reine-
rus, quandoque Scholasticus sancti Andreæ in
Colonia, mihi recitauit, ex multa deuotione se-
pe solita erat communicare, quæ quanto plus cibum
cœlestem cœpit appetere, tanto amplius corporalem
cœpit fastidire: quod ubi sensit, ex permissione sui sa-
cerdotis, singulis diebus dominicis communicauit.
Cui cibus ille vitalis tantam contulit fortitudinem,
ut sine omni esurie corporali proximam expectaret
dominicam: hoc multo tempore actitans, gratiam si-
bi collatam prædicto sacerdoti confessa est. Ille vero
cūm Episcopo loci rem tam mirabilem recitasset, ti-
mens Episcopus aliquid fallaciae esse in causa, sicut vir-
sapiens, respondit: Cūm denuo venerit ad te, loco Do-
minici corporis, hostiam ei porrugas non benedictam,
per quam citius rei huius experieris veritatem. Quod
cūm fecisset sacerdos, femina tentatam se ignorans,
mox ut domum rediit, tam vehementer esurire cœpit,
ut morituram se crederet, si non ocyus manducaret.
Currens tamen prius ad sacerdotem, & eandem famé
peccatis suis imputans, pedibus eius se prostrauit, &
gratiam diuinitus collatam sibi subtractam lachry-
mabiliter exposuit. Quod ubi ille audiuuit, gauisus est
valde, gratias egit Deo, qui facit mirabilia magna so-
lus, & dedit ei verū Christi corpus, cuius virtuti mox
omnis esuries cessit, & gratia subtracta accessit; Epi-
scopus

Icopus verò hæc audiens a sacerdote, & ipse Deū glorificauit. APOLLONIVS: Rem recitas valde miraculosa. CÆSARIVS: Si Helias propheta in fortitudine 3. Reg. 9. panis ordeaçei ambulauit quadraginta diebus & quadraginta noctibus usque ad montem Dei Oreb, quid miraris, si femina hæc in columis potuit viuere pasta pane vitæ? Multiplex ex illo fortitudo est, non solùm animæ, sed & corporis. Aliud habes supra exemplum de virgine de Quido, quæ præter Christi corpus nihil comedit, excepta vua quam sugebat, in distinctione septima capitulo vicesimo hoc reperies. Audi nunc rem satis gloriosam.

CAPVT XLVIII.

Lvdovicus comes Loffensis, pater huius qui adhuc superest, etiā comiciam tenebat de Reinecke; cui propter * licentiam miles quidam mini- * . ab sterialis bene natus multas inferebat injurias, sua sibi *femiam*, usurpando, & homines ad comitiam pertinentes deprædando: quod cùm omnibus amicis suis comes cō quereretur, & die quadam diceret cuidam nobili viro, qui ab eo bona tenebat: Quare mihi non capit is illum prædonem? Respondit: Bene eum caperem, si essem securus, quod a vobis in corpore non laderetur. Quem cùm accepta fide cepisset, comes sophisma faciens, protinus sepulcrum fieri iussit, in quo militem mollibus inuolutum sine pena poni fecit, sicque terra opertum extinxit. Cuius cognati mox furentes, corā Imperatore Frederico, ano huius, qui nunc imperat, contra præfatum virum nobilem, cum multa vocifera- ratione, querimoniam deposuerunt, dicentes, quod accepta pecunia comiti illum tradiderit. Cumq; Imperator fremeret, innocentem damnare volens, miles quidam honestus, ascenso scamno, loquendi licentiā petiuit & obtinuit; Domine, inquiens, medietatem vix verborum audiuiistis, si miles præsens esset, fortè bene se excusaret. Respondente Imperatore, Licentiam habas adducendi eum: miles militem adduxit, qui cū per aduocatum plenè se excusasset, instigantibus aduersariis, Imperator respondit: Verba sunt, nō sic po-